

廣文書局印行

史料編
甘寧青史略
(四)

慕壽祺輯著

趙元貞校
李炳校

史料
五編

甘寧青史略
(四)

廣文書局印行

是死早慶
者河至
又北九
猶做元尤
則之曰其
景皇於
祐祐民

甘肅青史略卷之十

宋仁宗

己丑

皇祐元年

遼興宗重熙十八年
夏延嗣甯國元年

冬十月契丹北道行軍都統耶律敵魯

古與夏人戰於賀蘭山獲李元昊妻

敵魯古率阻卜諸軍由北路趨涼州至賀蘭山獲元昊妻及其官僚家屬遇夏人三千來

戰殪之烏古敵烈部詳穩蕭慈氏奴中流矢與南趙耶律幹里俱死焉慈氏奴蕭惠子也

庚寅二年

遼重熙十九年
夏天祐垂聖元年

夏五月契丹圍夏國興慶府大掠

林迭蕭奪刺至去歲蕭惠敗績之地獲夏偵候

者知夏人煙聚落多國人陷沒而不還者盡俘以歸

夏國注普降於契丹

初注普兵敗訛罷欲誅之沒藏氏使練兵賀蘭山以資後效及契丹兵深入懼誅率所部降

六月契丹破夏國攤糧城

城在賀蘭山西北國中儲糧處契丹兵攻破之盡發廩積而還

夏國主諒詐遣人來謝使弔祭

冬十二月涇原賜生戶都領首那龍男阿日丁內附

甘肅青史略卷之十

西夏獨立戰爭時期 宋仁宗

蘭州俊華印書館出版

辛卯三年

遼重熙二十年夏
天祐垂聖二年

春二月契丹向夏國索黨項降戶

元昊時納黨項降戶數
干河曲之役請率諸部

待罪後因戰勝不遣至是契丹遣北
院都監蕭友括來索沒藏氏不與

喃羅廝西蕃瞎斡沙州來貢

秋七月乙亥詔知秦州呂公綽復任

初詔公綽赴闕已而中丞王舉正知諫院包拯
言公綽當其父夷簡執政時多所干預若遽令

代還恐更圖進用乃詔復任公綽通敏有才然
其父執政時常漏除拜以市恩時人以比竇申

冬十二月涇原番樊家族密廝哥等內附

己亥四年

遼重熙二十一年
夏天祐垂聖三年

冬十月遣閤門祗候周永清押賜夏國時服

永清至宥州
夏人受賜不

跪詰之
恐而跪

秋八月戊午復西夏和市

癸巳五年

遼重熙二十二年
夏福聖承道元年

春三月知秦州范祥築城古渭州

古渭州密邇夏境夏人
牧牛羊於境上蘭斡掠

取之夏人怒欲攻之蘭氈懼力不敵因獻其地冀得戍兵以敵夏人范祥欲立奇功亟往城之蘭氈先世跨有九谷後浸衰僅保三谷餘悉爲他族所據青唐族最彊據其鹽井日獲利可市馬八百匹蘭氈白祥此本我地亦乞漢家取之祥又多奪諸族地以招弓箭手故青唐及諸族皆怒舉兵叛祥既坐責黜張昇請棄古渭勿城

夏五月夏國侵環慶

經略司以聞帝詔邊吏嚴備毋得輒有侵軼

秋七月徙知青州文彥博知秦州

知秦州張昇知青州時方城古渭州昇議不合故也御史中丞孫抃言朝廷昨者築城境外衆蕃之心已

皆不安今又特命舊相臨邊事異常例是必轉增疑慮或生他變聞知永興軍晏殊秩將滿不若遣鎮關中兼制秦鳳事宜庶蕃部不至驚擾在於國體實爲至便

秦鳳路總管劉煥等破蕃部

夏人索古渭州地

夏人復來言古渭州本我地今朝廷置州於彼違誓詔帝遣傳求制置

而棄之非所以疆國威案蘭氈祖父皆受漢官其地非夏人所有明甚但當更名古渭寨不爲州以應誓詔耳即召青唐等族酋長以朝廷今築城實爲汝諸族守衛而汝叛何也皆言官奪我鹽井及地我無以爲生求曰今不取汝鹽井及地則如何衆皆喜聽命遂罷兵求乃割其地四分之一以界青唐等族卒城古渭始加蘭氈以爵秩

八月戊申以知秦州文彥博爲忠武節度使知永興軍兼秦鳳路兵馬事

始用孫抃

也言

已酉命知青州張昇復知秦州

昇陝西韓城人初知秦州轉運使修古渭城昇言古渭

而羌果據吳嶺絕餉道裨將劉渙率兵不時進擊昇以郭恩代之賊乃潰去渙以得城不在已也詎奏恩所殺皆老稚由是徙昇知青州既而朝廷察渙之妄黜之復以昇守秦州召兼侍讀遂拜右諫議大夫御史中丞

案廣吳嶺在今武山縣西三十里俗名廣吳坡下有河凡三源西南來者為麻順河由新寺鎮入境東南來者曰緇緇河源出黑虎溝至河口會焉其正西來者曰漳河自高家窰入境東流二十里三水同流名廣吳河再北三十里至峽口入渭又通渭縣西三十里有廣吳故城宋置廣吳水繞其下

甲午至和元年

遼重熙二十二年夏福聖承道二年

秋七月夏國侵古渭寨

夏兵數至古渭剽掠人畜秦鳳經略司請於鄰路益兵五

千爲備

八月以知鄭州梁適爲觀文殿大學士知秦州

御史中丞孫抃再疏言舊相不當臨邊不報初古渭寨爲蕃部所擾及益

兵拒守而它族多驚疑適具牛酒召其酋長默羅多尼等撫定之罷所益兵終適之任蕃部不爲寇

皇祐六年日蝕
四月朔以兩正
國之月自古所
和又改元曰至

乙未二年 遼道宗清甯二年 春二月西蕃來貢

三月夏國遣呂效忠侵邊界知德順軍周永清擊擒之

永清有威略嘗募勇士夜馳百里來襲營棚斬首三

百級俘數十人擄去橐駝甲馬萬計城中無知者並若禁地三百里夏人盜耕不可禁永清拓地數千頃置射士二千聲聞敵廷降者引入帳下待之不疑多得其死力

冬十月夏國起承天寺

沒藏氏好佛因中國賜大藏經役兵民數萬相與慶府西偏起大寺貯經其中賜額承天延同龕僧登座演經沒藏氏與諒祚

時臨聽焉

案甯夏府志承天寺爲甯夏古刹其浮圖倒影尤稱靈異乾隆戊午地震塔寺並毀而碑記猶有存者其瘞沸頂骨曰天祐紀歷歲在攝提乃夏英宗天祐垂聖元年宋仁宗皇祐

二年庚寅其歲舍利曰天慶二年乃夏桓宗純祐天慶三年宋甯宗慶元二年丙辰也

丙申嘉祐元年

遼道宗清甯二年夏福聖承道四年

春三月西蕃磨氍角來貢

明年西蕃瞎氍並諸族又來貢

秋七月環州小遇族叛知州張揆破降之

夏國移牒索舊官蘭氍

省州移文保安軍乞抽還修古渭砦軍卒并索叛蕃蘭氍帝詔以蘭氍世爲蕃官不得擅索令保安軍報之

冬十二月甲子夏國主諒祚遣使來告其母密藏氏卒

初密藏氏通於李守貴又通屹多已守貴憤怒於是

殺屹多已及密藏氏諒祚母族鄂特彭乃族殺守貴保養諒祚以其女妻焉時諒祚生九歲矣乙丑輟視朝以諒祚母喪故也

以集賢校理馮浩假尙書刑部郎中直史館文思副使張惟清假文思使爲正

副使如夏弔慰

賜夏國主詔曰詔夏國主喪葬之儀孝子之大節贈賻之禮國家之至恩眷惟患順之邦宜厚哀榮之卹爾知荼毒深用惻傷俾遣使車勉膺

慰錫今差文思院使張惟清充弔慰使兼賜安葬故母物色具如別錄至可領也故茲詔示想宜知悉冬寒比平安好否書指不多及

丁酉二年

遼清泰三年夏麟都元年

春三月以張元投西夏故殿試進士均免黜落

舊制殿試皆有黜落臨時取旨

或三人取一或二人取一或三人取二故有累經省試取中屢擯棄於殿試者故張元以積忿降元是大爲中國之患初元以舉進士不第以詐干謁陝西大帥韓琦與范仲淹斯時也猶欲效忠祖國及韓范不用竄無所歸始與吳昊聯袂而西寶元二年冬十一月元昊露布邊境有朕欲親臨渭水直據長安之語元所作也慶歷元年春二月元昊犯渭州元從征好水川之敗元題詩佛寺其句曰夏竦何曾導韓琦不是奇滿川龍虎竊猶自說兵符蓄讖琦之不善用兵此其所以報也帝聞之始因其家屬未幾復縱之於是羣臣建議歸咎於殿試黜落是歲詔進士與殿試者皆賜及第出身有差均不黜落遂爲定制而李復圭記聞云是春以進士羣辱考官歐陽修之故殿試並賜及第不落一人

案隋置進士科唐因之在較隋周密而宋爲尤甚夫春官之試前所未有自玄宗而移試禮部矣廷對之試亦前所未有自武后而親試殿廷矣設衛棘圍則自楊浚而立下第入學則自開元而行進士試以策論自唐始也至宋復加經義之制臨軒試以詩賦亦自唐始也至宋始定策試之制益以糊名之制行於淳化易書之制創於祥符宋之所以待進士者何其嚴而重也

又案治平四年秋八月帝詔諭夏國主其略曰今據逐路經略司奏自嘉祐七年春至今秋以來夏國人騎或脅略近邊熟戶或侵踐當界民疇或假以金錢構亡命之卒或誘以官爵致無賴之夫爲日滋深其害未已今後不得信縱人騎侵踐漢地致射傷人命及潛購下第舉人逃背軍卒等是張元死後中國下第舉人往投西夏者不一而足矣幕壽祺曰進士中固大有人焉以清未言之太平天國倡言革命用錢江爲參謀不及數年恢復一十一省攻陷六百餘城倘北伐成功則馬蹄所踐卽爲吾土矣而孰知攻克南京使洪氏百萬之衆一敗而不可收拾者則一賜同進士出身之曾國藩也今則革命成功已二十餘年矣而前清翰林進士聞宣統在東三省相與著麻鞋出榆關效張元之投西夏者豈少也哉

戊三年 遼清泰四年 夏五月吐蕃掠羅部阿作 長編作納克 等叛唃廝囉降西夏

夏遂遣兵攻唃廝囉敗績 被擄酋豪六人橐駝戰馬頗衆吐蕃隴逋公立馬頗三大族亦叛降唃廝囉會契丹遣使送女妻其少子黃氈乃罷

兵歸

夏國主表乞贖大藏經許之

夏國新建伽藍載請贖大藏經帝詔曰已令人印造俟嘉祐四年正月旦進奉人到闕至時給付

己亥四年

遼清寧五年夏禪都三年

冬十月契丹約西蕃兵取夏國涼州不果

契丹既與喃廝囉通姻數遣使由回鶻路

至河湟約喃廝囉舉兵攻夏國欲徙董氈居涼州與之相近訛廩聞之增兵備河西會廝囉以道遠兵難合乃止

十二月遣使進奉賀正馬駝

帝賜夏國主詔曰王正首歲皇曆頒春惟繼世之忠先効守藩之職勤修時貢來旅明庭言念傾輸良深歎獎

庚子五年

遼清寧六年夏禪都四年

夏五月索叛蕃於夏國

胡守忠爲保安軍蕃官邊吏失於撫綏走投夏國中國索之急執還伏誅

冬十月夏國中鹽市絕

河東私市雖絕然因陝西解鹽價高商販青鹽往來如織國中猶恃爲利宋帝使薛向爲轉運使平解鹽價商民不復冒禁私

販於是青鹽利亦絕

辛丑嘉祐六年

遼清寧七年夏禪都五年

夏六月夏國靈夏二州大水

黃河環繞靈州其古渠五一秦家渠一漢伯渠一艾山渠

一七級渠一特進渠與夏州漢源唐梁兩渠毗接餘支渠數十相與舊泄河水又有賀蘭長樂鐸落諸山爲之隄障向無水患是時七級渠泛溢靈夏間廬舍居民漂沒甚衆

冬十一月許夏國用漢衣冠

諒祚上書自言慕漢衣冠明年當以此迎使者帝詔曰詔夏國主省所奏昨因宥州中覆稱迎接朝廷使命館宇隘

陋軒檻貼危簾不重修誠爲慢易於是鳩集材用革故鼎新來年七月生日用蕃禮館接使命十月中冬用漢儀迎接事具悉使傳之馳爲規固久候亭之陋能飭而新旣肩世服之忠又樂邦儀之慕忽披來牘具體乃誠知用漢儀只依昨來張宗義所行儀式次第餘並依舊詔

壬寅七年

遼清甯八年夏輝都六年

春正月夏國更諸軍名

改西壽監軍司爲保泰軍石州監軍司爲靜塞軍韋州監軍司爲祥祐軍左廂監軍

司爲神勇軍

夏四月夏國進馬求賜書

表求太宗御製詩草隸書石本且進馬五十四匹求九經唐史冊府元龜至正月遣使來賀帝詔賜九經還所獻馬

秋七月夏國舉兵擊董氈不勝築堡於古渭州之側而還

先是契丹以女妻董氈與之共圖夏國諒祚與

戰屢爲所敗及是諒祚舉兵擊董氈屯於古渭州其熟戶酋長皆懼以爲諒祚且來併吞諸族亟請知秦州張方平求救方平懼節樓櫓爲守城之備盡籍諸縣馬悉發下番兵關西震聲又乞發京畿禁軍十指揮赴本路樞密使張昇言於帝曰臣昔在秦州邊人言敵欲入寇者其衆後皆無事實今事未可知而發京畿兵以赴之驚動遠近非計也請少須之帝從之數日方平復奏諒祚已引兵西去擊董氈矣諒祚尋復爲董氈所敗築堡於古渭州之側而還

遣供備庫副使張宗道如夏賜生辰禮物

宗道初入境迎者至欲先宗道行馬及就坐又欲居東宗道固爭之迎者曰主人居

左禮之常也天使何疑焉宗道曰宗道與夏王比肩以事天子夏主若自來當爲賓主爾陪臣也安得爲主人當循故事宗道居上位爭久不決迎者曰君有幾首乃敢如是宗道大笑曰宗道有一首爾來曰已別家人今日欲取宗道首則取之宗道之死得其所矣但夏國必不敢爾迎者曰譯者失辭某自謂無兩首爾宗道曰譯者失辭何不斬譯者乃先宗道迎者曰二國之歡有如魚水宗道曰然天朝水也夏國魚也水可無魚魚不可無水

癸卯八年

遼清甯九年夏拱化元年

春三月夏國遣使來弔慰

仁宗崩遣左藏庫副使如夏告哀仍齋賜大行遺詔及遺留物諒祚遣使來弔

慰見於皇極殿門外其使者固求入對弗許諒祚所上表輒改姓爲李賜詔詰之詔夏國主上晏降禍萬國纏哀馳遣使人肅申慰禮情雖深於永慕事或異於舊聞惟乃祖之稱藩有先朝之賜姓撫綏隆於君義親愛篤於人倫自再納於誓言亦且循於軌式忽形需奏靡罔宗盟言念舉錯之違得非左右之惑宜存遠慮用迪前猷今後所上表章宜卻如舊司馬光言聞夏國所遣使人前日不肯門見固求入對朝廷不許勒歸館舍臣謂何惜紫庭數步之地使之瞻仰清光

夏四月以國子監所印九經及正義孟子醫書賜夏國

從所乞也未幾又乞工匠不與

西蕃禹臧花麻

長編作裕勒藏哈木

以西市及蘭州圖籍獻於夏國

河州刺史王韶略熙河盡降洮西諸族西市城首領

此爲甘肅開銀
鑄之始

禹臧花麻不順命秦州鈴轄向寶攻掠之花麻力不支遂以西市及蘭州一帶土地獻於夏國諒祚大喜遣兵戍之而以宗女妻花麻封駙馬

案史仁宗名禎真宗子在位四十一年改元九曰天聖曰明道曰景佑曰寶元曰康定曰慶歷曰皇祐曰至和曰嘉祐以嘉祐八年春三月崩皇太子曙卽位是爲英宗

英宗

甲辰

治平元年

遼清甯十年
夏拱化二年

秋九月夏國侵靜邊寨以王素知渭州

諒祚數出兵秦鳳涇

原鈔熟戶擾邊寨弓箭手殺掠人畜以萬計素至三鎮夏人解去素遂拓渭西南城濬隍三周增募弓箭手居人舊穿土爲室寇至老幼多焚死爲築八堡使居之聽散耕田里有警則聚故士氣感奮精悍他道莫及

罷開寶銀監監官隸兩當縣

初太祖建隆三年置銀冶於兩當縣東南四十里開寶五年升爲監至是罷監官以監隸兩當縣神宗元豐六年廢

案漢書懷銀黃垂三組謂銀與金也左思賦金華銀漢樸銀之在石者西北不但多金銀亦有之魏書食貨志有司奏長安驪山有銀鑛詔置銀官常令採鑄神異經西南有銀山長五十餘里高百餘丈皆白金甘州入寶山有銀鑛甚富奸民私鑄盜賣公家禁之平涼大同山亦有銀洞皆未開採其見於正史設官以治銀者僅兩當之開寶監自近之調察鑛產者謂輝紅銀鑛等河西各地皆有

冬十一月刺陝西義勇軍十餘萬夏境大震旋知不可用乃安

時陝西亦驚擾而紀律疎略不可用

十一
夏國

西夏獨立戰爭兼併時代 宋英宗

蘭州俊華印書館出版

司馬光抗言其非韓琦曰兵貴先聲諒祚方桀驚使驟聞吾益兵二十萬豈不震懾光曰兵之貴先聲爲其爲實也獨可欺之於一日之間耳今吾雖益兵實不可用不過十日彼將知其詳尙何懼琦不從

十二月吐蕃木征內附

熙甯中王韶經營熙河水征蠻伏河外韶遣僧知緣說木征略以厚利因以兵往所殺獲前後數千級焚燒帳族以萬數納降

大首領千餘皆其腹心又擒其妻子而木征降

以內侍爲涇原諸路鈐轄

上遣王明等四人體量軍情治具詞訟其權與安撫使均諫官呂誨乞罷不聽

乙治平二年

遼道宗咸雍元年夏拱化三年

春正月夏國侵涇原

副總管劉几稱西人點集將謀入寇請出兵防守陝西都轉運使陳述古

以爲張皇生事移几鳳翔數日之間夏人果大舉犯邊殺掠弓箭手及熟戶蕃部陷沒數千戶蓋夏人有意窺秦中伺家堡一帶蕃部正阨西人來路涇原若失此險無所隔閼敵騎一二日可至古渭古渭可至則秦中搖矣故夏人屢謀犯此方

夏國侵邈川界

夏國所屬羌酋邈奔及其叔溪心以隴珠阿諾三城叛投邈川噶斯囉不禮乃復歸諒祚請兵還取所獻地諒祚不之罪爲出萬餘騎隨邈奔溪心

往取不能克但取邈川歸丁家五百餘帳而還

宋得天下百有餘年
九年改爲太平興
九年改爲天祥符
九年改爲大中祥
九年改爲天禧
九年改爲天聖
九年改爲治平
九年改爲嘉祐
九年改爲治平

秋八月夏國復擾涇原

西邊蕃部弓箭手習知山川道路材氣勇悍涇原倚爲藩蔽諒祚常以兵威脅服有違拒者輒戕殺之於是弓箭手皆退入內

地邊帥莫敢聞龍圖直學士司馬光以爲言不報

置壯城兵於涇原等處

保順河西節度使喃厮囉卒

自元昊取西涼府喃厮囉併厮鐸督之衆十餘萬回紇亦以數萬歸焉勢遂強至是卒年六十九三子皆被恩命曰

瞎氈居合龍谷曰磨氈角居宗哥城曰董氈爲喃厮囉嗣

冬十月詔問夏國無名舉兵之故

詔曰詔夏國主據環慶路經略司奏取問無名舉兵近迫大順國家戢威武以安中夏推恩信以待

四夷豈欲與衆興勞爲邊生事乃眷西陲之守嗣推累世之忠故於歲時曾無賜與之缺每戒將吏務謹封隅之常所宜恪奉朝曩紹遠先訓爰自近歲頗乖素誠或侵蹂原禁之土田或焚蕩近邊之族帳間雖形於旨諭久莫悉其事端載循撫御之方終示含容之體今復大驅兵衆奄至塞垣拒敵官軍賽酬蕃戶覽守臣之上奏至終食之興嗟豈邪謀之所惑而輕舉弗思將大義之不存而肆惡未已賀諸天地既隳乃父之盟殘爾人民殊非有邦之福朕惟自昔罰罪必先陳文告之詞若將因心猶足懷誓言之事儻終不便安免用懲今特遣齋詔往彼取問到日可具理聞奏

十一月夏國爭同家堡拒詔使王無忌於境上

元昊時生羌十九戶以同家堡入獻地在德順軍威戎堡外二十里中國

未設封候諒祚認為已境被中國侵占遣兵殺屬戶數千掠牛羊數萬帝檢視故籍遣王無忌詔諭至境不納

丙午三年

遼咸雍二年夏拱化四年

春二月夏國升西市城為保泰軍以駙馬禹臧花麻守之

西市

距古渭僅百二十里諒祚建造行衙置倉積穀移保泰軍治於此命花麻為統軍守其地

案宋史夏國傳作新市城續長編又作西市城西夏築宋元豐四年熙河經制李憲敗夏人於西市新城通鑑輯覽註此城在皋蘭縣東南甘肅舊志蘭州府志皆言在皋蘭縣東南七十里考續通鑑長編李憲奏大兵自西市新城約百五十餘里將至金城有大澗五六重僅通人馬以地望準之此大澗應即金縣豬箐鎮東南俗名九溝十八坡之地距皋蘭約六七十里此城應在皋蘭縣東南二百里以外固不止七十里也續長編又稱八月丁丑李憲至西市新城遇賊敗之庚辰駐兵女遮谷考女遮谷在安定縣境皋蘭東南二百三十里之貢馬營在安定縣西四十里應即此城遺址附識備考

夏四月夏人犯涇原秦鳳等州環慶經略使蔡挺擊走之

先是夏主諒祚遣吳宗使賀即位宗語不遜詔

諒祚懲約宗諒祚不奉詔而出兵涇原秦鳳抄熟戶擾邊塞殺掠人畜以萬計蔡挺使蕃官趙明進擊諒祚遁走徙寇柔遠挺以使副總管張玉以三十人夜出擾營賊驚潰初諒

祚入寇韓琦議享其歲賜絕其和市遣使問罪文彥博難之舉寶元康定時事琦曰諒祚狂童也非有元昊智計而吾邊備過當時遠甚亟詰之必服會陸詵策與琦合而諒祚果歸款帝顧琦曰一如卿料也

秋九月夏人大舉攻大順城分兵圍柔遠砦燒屈乞村柵段木嶺

初環慶經略安撫使察挺斥候

嚴明知諒祚將人侵即遣諸將分屯要害以大順城堅雖被攻不可破不益兵柔遠城惡命副都總管張玉將重兵守之敕近邊熟戶入保清野戒諸將無得逆戰諒祚將步騎數萬攻圍大順三日蕃官趙明與官兵合擊之諒祚衷銀甲氈帽督戰挺先選強弩分列於壕外注矢下射重甲洞貫諒祚中流矢遁復徙寇柔遠挺又使副總管張玉募勇三千人夜出擾營敵驚潰

案柔遠堡在今慶陽縣北一百四十都城周二里宋范仲淹築明陝西巡撫馬文升增修通定邊安邊諸路儲糧屯兵倍於他砦又有柔遠亭建於柔遠砦山頂可以登高望遠餘見熙甯三年秋八月夏人攻柔遠堡注

巡檢使劉紹能邀擊夏人於長城嶺

先是治平元年秋九月夏國右樞密院党移實糧以數萬衆攻順甯軍北巡檢劉紹能迎擊敗

之至是夏人圍大順城紹能爲軍鋒毀其柵至秦王川邀擊於長城嶺